

NOVENA

in preparazione a sa Festa de sos Ss. Martires

COSOMO ET DAMIANU

IN MAMOJADA



*Si principiat sa Novena su 18 de Capidanni et si celebrat
solennemente sa festa su 27 de su matessi mese.*



TORINO
Ditta Giacomo Arneodo
Via Torquato Tasso
1919

In nomen de su Babbu et de su Fizu et de s'Ispritu Santu - Amen

ATTU DE CONTRIZIONE

Signore meu Gesù Cristu, Deus e omine verdaderu, Creadore e Redentore meu, pro esser bois chie sezis infinitamente bonu, dignu de esser amadu supra totu sas cosas, mi pen- to de totu coro de totu sos peccados mios, e los detesto supra totu sos males, e proponzo de mai pius peccare, de mi apartare dae totu sas ocasiones de bos offender, de mi confes- sare interamente, e cumplire sa penitenzia aggiudadu dae sa grazia bostra.

PRIMU DIE

Gloriosissimos martires, et eccellissi- mos meigos, Santos Cosomo e Damianu, a sos cales Deus comunichest soberana virtude pro curare e sanare corporales infirmitades chi parian incurabiles, non pro stipendiu, ma pro esercitare sa caridade cristiana, bos sup-

plicamus, nos alcanzedas sa grazia pro esperimentare in nois sos effectos de tanta soberana virtude cun su prontu rimediù de sas infirmitades, non solamente corporales però piùs e piùs ispirituales, chi tantu nos affligint.

Onnipotente Signore e Deus meu, chi pro dare a bider a su mundu cantu podet sa umana fragilesa aggrudada dae sa grazia bostra in mesu de su pius penosu patire, azis armadu de insuperabile fortaleza e invincibile costanzia, sos gloriosos martires Santos Cosomo e Damianu, pro suffrire sos tormentos chi contra issos inventesit ingeniosu su gentilieu furore senza mostrare paura in mesu de tantu penare, suaves essendelis sas penas pro su excessivu amore chi bos tenian: pro sos meritos gloriosos de custos Martires tantu costantes, bos supplicamus, nos fatedas imitadores de tanta costanzia in tottu su chi tenimus de patire in custa valle de lagrimas.

Chimbe Pater noster, e *chimbe* Ave Maria, e *chimbe* Gloria Patri.

Costantissimos Martires Santos Cosomo e Damianu, imbiados dae Deus a su mundu pro chi esseret restadu meravigliadu de sa cristiana costanzia, cun sa cale in difesa de sa santa fide cattolica azis suffridu orribiles turmentos e crudelissimos martiros, cun sos

cales su tirannu pretendiat cancellarela dae sos innamorados coros bostros, in obbroriu de su Redentore: pro tanta meravigliosa costanzia, cun sa cale azis sustenidu sas battaglias de su Signore in su penosissimu discursu de tantos martiros, bos pregamus nos alcanzedas dae Deus efficacissimos ausilios pro rèsistere constantes a sas fortes tentazioni, cun sas cales su tirannu infernale, continuamente invidiosu, nos faghèt gherra, ei sa grazia chi disizamus cunsighire in custa Novena.

(Si dimandat sa grazia).

Gaudent in coelis animae sanctorum, qui Christi vestigia sunt secuti: et quia pro ejus amore sanguinem suum fuderunt: ideo cum Christo exultant, sine fine.

V. Orate pro nobis Sancti Cosma et Damiane.

R. Ut digni efficiamur promissionibus Christi.

OREMUS

Praesta quaesumus, omnipotens Deus: ut qui Sanctorum martyrum tuorum Cosmae et Damiani natalitia colimus, a cunctis malis imminentibus, eorum intercessionibus liberemur. Per Christum Dominum nostrum - Amen.

SEGUNDU DIE

In nome de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Soberanu Signore, e Deus meu, in chie tenent postas totu sas isperanzias inoro sos chi bos aman e bos servin in custu mundu, suffrinde onzi pena et turmentu chin rassegnazione pro amore bostru, comente praticaiàn sos amados servos bostros Santos Cosomo e Damianu, sos cales bidentesi obligados dae su Proconsule Lisias, o a girare a bois sas palas, o a las offerre a unu diluviu de crudelissimas azzottas, si offerzesint gustosos a unu martiriu tantu inumanu, tenzendesi pro diciosos a su bider chi, simizzantes a bois patian unu turmentu tantu dolorosu, comente infame: pro s'amore chi tenides a custos gloriosos martires, bos supplicamus, nos dedas sa grazia de suffrire piùs prestu cantos males bi hat in su mundu, chi non offender a bois, chi sezis su summu bene nostru.

Chimbe Pater noster etc.

Fortissimos Martires Santos Cosomo e Damianu, chi non teniabades paura de sas

minetas de su tirannu, su cale sacrilegamente pretendiat chi aerezis adoradu, in disonore de su Deus verdaderu, sas falsas deidades suas, e pro poder conseghire custu sacrilegu intentu bos fatesit ligare manos et pedes e gasi ligados azzottare barbaramente, e de atera manera fieramente tormentare; si bene cun tale impignu non potesit ateru conseghire, si no de bos bider simizzantes a su Redentore pro sa costanzia e pazienza, cun sas cales azis suffridu tale martiriu: faghide, Santos mios, cun sa poderosa intercessione bostra, chi sende nois reos de medas castigos los suffremus totus cun pazienza in soddisfazione de sos peccados nostros fina a los cancellare cun sas lagrimas de una verdadera penitencia, et, si cumbenit, alcanzadenos sa grazia chi pedimus in custa Novena.

(Si dimandat sa grazia).

Su de piùs comente in su primu die.

TERZU DIE

In nomen de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Poderosissimu Signore, et Deus meu, chi

pro dimostrare su supremu dominiu chi tenides supra totu sos elementos, azis reprimidu sas orgogliosas undas de su mare, senza permettere chi dae issas aeren tentu dannu sos Santos Cosomo e Damianu, cando su tirannu Lisias los cherfesit annegare ind'unu elementu tantu incostante, anzis bene, pro esaltazione de su podere bostru infinitu imbiezis dae su Ghelu unu Anghelu Soberanu, su cale los liberetit ponendelos in salvamentu: bos supplicamus de nos conceder chi cun s'assistenza de s'Anghelu nostru Custode mai arrivemus a naufragare in su infelicissimu mare de sa culpa.

Chimbe Pater noster etc.

Valorosissimos Martires Santos Cosomo e Damianu, contra a sos cales si armesit s'inferru per mesu de su tirannu Lisias su cale, cun diabolicu furore, bidende chi cun sos turmentos passados non potesit abblandare sa insuperabile costanzia bostra, cumandesit a sos impios ministros suos, chi gasi comente fisis ligados, bos aeren bettadu in su mare, senza intender isse, chi cuddu Deus Onnipotente, a chie sa terra e su mare obbidint, teniat de imbiare un Anghelu dae su Chelu pro bos liberare dae tantu evidente perigulu: meritemus puru, Santos mios, già chi sa vida

pro biver in modu, chi nos bidamus liberos dae su eternu fogu de s'inferru, e pro totu s'eternidade cantemus sas glorias bostras in sa patria de sas delizias.

Chimbe Pater noster etc.

Valorosissimos Martires Santos Cosomo e Damianu, in chie pro Divina disposizione si ammirasin sos prodigios, chi operesit sa Onnipotenzia in cuddos tres venturosos giovanos de Babilonia, cando su tirannu Lisias bos intreghesit a sas fiammas de unu furibundu e ardente fogu; su cale mentras istesit riverente e benignu cun bois postos in orazione e accesos cum pius nobile fiamma de divinu amore, non la perdonesit a medas de sos paganos, chi fin presentes, ma restesin brujados dae sas fiammas, chi de repente bessesin de s'ardentissimu incendiù; pro su divinu amore, èhi in bois tantu ardiat, bos supplicamus, nos alcanzadas, chi simizzante fiamma siat sa chi dae como innantis ardat in sos coros nostros pro evitare gasie cuddas eternas fiammas, chi sos peccados nostros tantas bortas han meritadu e ottenidenos ancora sa grazia chi disizamus in custa Novena.

(Si dimandat sa grazia).

Su de pius comente in su primu die.

umana est unu mare tantu perigulosu, siedas bois sos anghelos nostros custodes pro nos assistere sempre et cando nos bidides in perigulu de naufragare per mesu de sa culpa.

Alcanzade nos ancora sa grazia chi dimandaus in custa Novena.

(Si dimandat sa grazia).

Su de pius comente in su primu die

QUARTU DIE

In nomen de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Altissimu Signore e Deus meu, chi cherfende rinnovare in sa legge de grazia sas istupendas meraviglias de sa legge antiga, bidende chi su tirannu in odiu de sa Religione Cristiana cunsagresit a sas fiammas pro esser da issas brujados sos Santos Cosomo e Damianu, reprimezis sa naturale voracidade insoro, pro chi no aeren cuasadu dannu verunu a sos Santos, a sos cales dezis tanta fortaleza chi in mesu de cuddu ardentissimu fogu cantavant sas misericordias bostras, comente in ateru tempus cuddos tres giovanos de Babilonia: pro sos eccellentissimos meritos de Martires tantu gloriosos, bos supplicamus, nos dedas grazia

QUINTU DIE

In nomen de su Babbu etc.

Gloriosissimos Martires, et eccellentissimos meigos etc.

Supremu Signore, e Deus meu, chi pro chi esseren simizzantes a su Fizu bostru Santissimu in su patire sos Santos Cosomo e Damianu, azis dispostu cun altissima provvidenzia chi su tirannu inimigu crudele de sa Santa Legge bostra los aeret postos in rughe, senza intender isse, chi cantu pius sos Santos si assimizzaian a su Redentore in sas penas, tantu pius ingrandian, e pubblicaian sa santidade immaculada de sa Religione chi issos professaian: bos supplicamus nos dedas sa grazia bostra pro esser similes a su Redentore nostru in su soffrire sas molestias e affannos chi sperimentamus portende sa rughe de su istadu nostru.

Chimbe Pater noster etc.

Eccellentissimos Martires Santos Cosomo e Damianu, a chie su barbaru tirannu Lisias, no accabende de intendere sa virtude de unu Deus Onnipotente, et sa insuperabile forza de sa Religione Cristiana, confusu e pienu de furore infernale, bos lighesit e ponzesit in rughe

in sa cale in logu de perder sa vida temporale, dian aer incontradu sos paganos caminu seguru pro sa vida eterna, si aeren cherfidu iscurtare sa lezione de cunformidade e pazienza cristiana, chi lis donavades in cussa cattedra soberana: bos pregamus, Santos mios chi nos alcanzadas sa grazia de poder imparare nois una lezione tantu importante, già chi, pro regnare cun bois in sa gloria, est bisonzu portare cun pazienza sos tribaglios de sa rughe, chi amus elegidu.

(Si dimandat sa grazia).

Su de pius comente in su primo die.

SESTU DIE

In nomen de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Immensu Signore, e Deus meu, chi pro maggiore esaltazione de su Santissimu nomen bostru, e de sa fide santa chi professaian sos Santos Cosomo e Damianu, azis permettidu chi su tirannu non solamente los aeret postos in rughe, ma ancora dezis licenzia a sos ministros de s'impiedade chi, segundu s'ordine chi tenian dae s'ingiustissimu giughe, los aeren

gasi ligados, postos in rughe e apedrigados, però azes cherfidu cun ammirabile provvidenzia, chi senza arrivare a sos Santos sas pedras, medas de issas ruian supra sos matessi tirannos chi las betaian: faghide, Deus meu, chi totu sas pedras chi s'inimigu comune nos tirat die e notte cun tantu diluviu de tentaciones, ruan subra da isse matessi, pro chi mai si potat gloriare de nos aer fattu accunsentire a issas.

Chimbe Pater noster etc.

Inclitos Martires Santos Cosomo e Damianu, a chie sos barbaros Gentiles, pustis de bos aer ligadu in sa rughe, cumandados dae su tirannu Lisias, bos cherfesint apedrigare, senza ischire issos chi sas pedras chi bos tiraian, las governaiat impulsu superiore; e però nisciuna de issas arrivabat a bois e medas de sas matessi pedras torraian infuriadas contra sos chi las betaian, e abbaidaian tale ispettaculu, restende feridos e istorpiados, e bois senza rezire aggraviu nè offensa favoridos dae su Chelu, e amparados dae sa Provvidenzia: alcanzadenos, Santos mios, chi cun amparu simizzante nos mustremus noi costantes e valorosos contra a sos corfos chi su tirannu infernale tirat de continu pro nos dare sa morte

in s'anima, de modu chi in totu sa vida nostra mai nos agatemus feridos cun mortale ferida.

(Si dimandat sa grazia).

Su de pius comente in su primu die.

SETTIMU DIE

In nome de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Amabilissimu Signore, e Deus meu, chi a su matessi tempus chi permettides chi sos tirannos vintos dae sa passione indomita de s'odiu chi tenen a sos chi professan sa Santa legge bostra, los persigan tirannicamente, disponides chi sos martires una borta isperimenten sas santas ineffabiles dulzuras in sos martirios chi patin; ateras chi cuddos proprios instrumentos chi inveniesit pro turmentu sa tirannia si girent contra sos matessi ministros esecutores de sa impiedade, comente testifican sas fiammas, ei sas pedras tiradas dae crudeles manos contra sos Santos Cosomo e Damianu, contra a sos cales su barbaru Lisias, attribuen- de ad arte diabolica tantas meraviglias de sa Onnipotenzia in su bider chi non tenian effettu sas pedras, cumandesit de los frizzare, ma

invanu proite sas frizzas torresint a sos chi las aian mandadas senza nde arrivare manc'una a ue sos santos fin ligados in sa rughe: faghide, Deus meu, chi gasi invanu benzat a dare sos tiros su tirannu infernale, e chi nisciuna de sas frizzas suas, cun sas cales pretendet chi demus intrada in s'anima a su peccadu, tenzat effettu, ma chi sempre impenetrabile a tales frizzas resistemus a donzi tentazione.

Chimbe Pater noster etc.

Sacratissimos Martires Santos Cosomo e Damianu espostos in sa rughe, non solamente a sa duresa de sas pedras, ma ancora a sa tirannia de sas frizzas, cun sas cales sos Paganos bidendebos tantu costantes, e senza bos rendere a sa violenza de ateros martirios, bos cheriant dare sa morte, a sa cale, sas frizzas pius umanas chi no sos Gentiles, non cherfesin concurrere, ma ossequiosas bos rispettesin senza chi una sola de issas bos appat cherfidu ferrer, et pro divina disposizione, torresin a sos chi cun barbara manu las aian tiradas: alcanzadenos, Santos mios, chi cun simizzante fortuna mai si incontrèt ferida s'anima nostra dae sas crudeles puntas de tantas frizzas, chi su demoniu, mundu e carre nos mandant de continu, ma impenetrabile a

tantos colpos, perseveremus sempre in sa divina amicitia.

(Si dimandat sa grazia).

Su de pius Comente in su primu die.

OTTAVU DIE

In nomen de su Babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Piedosissimu Signore e Deus meu, già chi bois pro chi a sos amados bostros Santos Cosomo e Damianu no lis esseret mancada sa corona de su martiriu, pustis de los aer puenos de meravigliosa costanzia e fortaleza, pro triunfare de su tirannu, chi a forza de turmentos los cheriat alluntanare dae sa legge bostra, azis sapientissimamente dispostu, chi aeren coronadu sas battaglias, sustentadas pro sa esaltazione de su santissimu nomen bostru e de sa Cattolica Religione cun sa morte gloriosa chi patesin orrendamente feridos dae barbara manu cun una crudele ispada, lassende gasi de biver in sa terra pro regnare eternamente in sa gloria: bos supplicamus Signore, chi essende sa vida umana una battaglia, ue bi hat tantos inimigos chi nos cumbattint, nos assistedas cun sa grazia bostra pro chi triun-

femus de issos finzas a sa morte resolutos de perder innantis sa vida, chi no a bois.

Chimbe Pater noster etc.

Costantissimos Martires Santos Cosomo e Damianu, contra chie su tirannu Lisias cuncepesit tantu implacabile odiu bidende chi eun tantos martiros non bos podiat alluntanare dae sa verdadera Religione, ne reduirebos a offerrer vanos sacrificios, e sacrilega adorazione a sos falsos Deos suos, et pronunziesit finalmente contra bois sentenza de morte, sa cale bos desin cun una crudele ispada sos impios ministros suos, e gasi coronados de vittorias alcanzadas dae su tirannu, bolesin sas animas bostras triunfantes a sa gloria: già bidides, Santos mijs, chi cun implacabile odiu nos persighit imbidiosu su tirannu infernale, resolutu de nos fagher guerra mentras bivimus, intercedide a favore nostru pro chi cun sa divina grazia non solu potemus resistere, ma ancora triunfare in totu sa vida nostra contra tantu astutu inimigu, et gasi benamus a con seghire su diciosissimu fine, pro sa cale semus naschidos, chi est s'eterna salvazione. Alcanzadenos ancora sa grazia, chi dimandamus in custa Novena.

(Si dimandat sa grazia)

Su de pius comente in su primu die

NONU DIE

In nomen de su babbu etc.

Signore meu Gesu Cristu etc.

Gloriosissimos Martires, et eccellentissimos meigos etc.

Misericordiosissimu Signore e Deus meu, chi comente giustissimu remuneradore tenides prevenidu in su Chelu un eccelsu premiù a sos chi bos servin in sa terra, e una corona de immortalidade a sos chi, pro sa dilatazione de sa santa fide bostra, si offerin gustosos a su sufrimentu de cale si siat martiriu; mustrendebos tantu liberale in su premiare, chi remunerades cun immensu pesu de gloria sas lieves tribulaciones e affannos, chi pro amore bostru patin sos omnes in custu mundu, cantu det esser sa gloria, e cantu preziosa sa corona cun sa cale azis coronadu sos altissimos meritos de sos diciosissimos Martires Santos Cosomo e Damianu, pustis de aer patidu gustosos e costantes fina a sa morte tantos martiros, cantos 'nde inventesit sa tirannia pro su amore chi bos tenian! Faghide Deus meu, chi tolu sos devotos insoro, imitendelos in custa vida in su patire, los accumpagnemus in s'atera in su gosare pro eternidade de gloria.

Chimbe Pater noster etc.

Diciosissimos Martires Santos Cosomo e Damianu, non tenet sa limba mia paraulas pro declarare su contentu chi sento in su coro meu, cunsiderende sos triunfos chi azis alcanzadu dae su tirannu in difesa de sa santa fide. Totu s'inferru paret chi fit armadu contra bois impignende totu sas forzas suas pro bos fagher lassare a pura violenza de inumanos turmentos sa Cattolica Religione, e appartire su innamoradu coro bostru dae cuddu summu bene, chi est su Deus verdaderu, pro lu impleare sacrilegamente in amare e adorare sas falsas gentilicas Deidades. A custu fine su gentilicu furore pustis de aer isfinidu sos sagrados corpos bostro a forza de azzottas, e ateros martiros, bos precipitesit in su mare, bos cunsagresit a sas fiammas, bos lighesit in sa rughe, bos esponzesit a sas pedras, bos offerzesit a sas frizzas, pensende chi bos diazes rendere a tantos tormentos; però provvida sa Divina Onnipotenzia bos armesit de tanta costanzia, chi non bois a sos tormentos, ma sos tormentos a bois si rendesint; et si crudele sa ispada bos leesit sa vida gasi lu disponzesit su Chelu pro chi la aerezis mezzorada, e pro chi cun una morte tantu gloriosa aerezis coronadu tantas insignes vittorias e triunfos, lassende de biver in sa terra pro regnare eternamente gloriosos in su Chelu. Gosade

puru, Santos mios, de tanta gloria a tantos meritos de vida e tenide sempre presente, pro favorire a nois chi, comente verdaderos devotos bostros nos compianghimus e allegramus de sa ineffabile gloria chi azis logradu, alcanzadenos dae Deus efficacissima meighina pro remedi universale de tantos males chi in s'anima e in su corpus patimus in custa misera terra, finzas chi unu die, bivende cristianamente, bos accumpagnemus totus in sa gloria. Alcanzadenos ancora sa grazia chi pedimus in custa Novena.

(Si dimandat sa grazia)

Su de più comente in su primu die.



Totu cuddos chi trattades
Bos rispettant et bos amant
Sos Anargirios bos giamant,
Titulu chi meritades,
Pro chi debadas curades
Senz'interessu mundanu
Sos nostros etc.

S'ecellente caridade
Ch'in pettus bostru ardiat
Prontamente bos moviat
A succurrer cun piedade
In tanta nezesidade
A su corpus male sanu.
Sos nostros etc.

Luciferu imbidiosu
Trattat de bos persighire
Pro chi non podet suffrire
Impleu tantu piedosu,
Ue salude et reposu
B'hat pro donzi cristianu.
Sos nostros etc.

Si mustrat tot' impignadu
Cuddu inimigu infernale
Chi d'odiu fieru et mortale
Su tirannu hat ispiradu
Pro chi bos'eret ligadu
Cun modu meda inumanu.
Sos nostros etc.

GOSOS

de sos

SANTOS COSOMO E DAMIANU

Già chi tenides tanta manu
Subra d'ogni infirmitade,
Sos nostros males sanade,
Santos Cosomo et Damianu.

In Egèa sezis naschidos
De Arabia grande zittade,
In cristiana caridade
Dae pizzinnos istruidos
Et dae totu applaudidos
In su populu cristianu
Sos nostros etc.

Eccellentes in dottrina
Dottos in d'ogni scienza,
Ma ue plus sa sapienzia
Mustrezis, sa meighina;
Cun arte tantu divina
Su malaidu restat sanu
Sos nostros etc.

Pro sa vera religione
Et odiu a sos cristianos,
Ligados pedes et manos
Bos ponzesit in presone
Lisias senza rejone,
Crudelissimu tiranu.
Sos nostros etc.

A sas falsas Deidades
Bos cumandat adorare,
Basciu pena de proare
Immensas barbaridades
Penosas crudelidades
Inventadas dae Paganu.
Sos nostros etc.

Su tirannu isperanzadu
De bos poder conquistare
Bos fattesit azzottare,
Barbaru disapiadadu
Ma su disizu et coidadu
Li resessit totu invanu
Sos nostros etc.

In s'incostante elementu
De sas abbas de su mare
Bos cherfesit annegare
Ma, cun insigne portentu,
Bos ponet in salvamentu
Un Anghelu soberanu.
Sos nostros etc.

Sas fiammas tant'ardentes
 De unu furibundu fogu
 Contra bois no hant isfogu
 Et bos palpant reverentes
 Ma bruxant a sos presentes
 Ministros de su tiranu.
 Sos nostros etc.

Lisias plenu de furore,
 Zegu in mesu de sa lughe,
 Bos ponzesit in sa rughe
 Pr'odiu de su Redentore
 Et bois tantu disonore
 Suffrezis cun cor'uffanu.
 Sos nostros etc.

Sende in sa rughe ligados
 Pedras, frizzas bos pioiant,
 Però a bois non lompiant
 Proite fisis preservados
 Dae su Chelu, et amparados
 Dae s' Omnipotente manu.
 Sos nostros etc.

Finalmente degogliados
 Cund'una crudele ispada
 Sa corona suspirada
 Lucrezis affortunados:
 In su Chelu collocados
 Favorid'a su cristianu.
 Sos nostros etc.

A bois totu accudimus
 Pro donzi nezessidade,
 Santos mios remediade
 Tantos males chi patimus,
 Et su plus chi nos timimus
 Perder a Deus soberanu
 Sos nostros etc.

Bois tenides tanta manu
 Subra d'ogni infirmitade,
 Sos nostros males sanade,
 Santos Cosomo et Damianu.



Santissimu Rosariu

Domine labia mea aperies etc.
 Deus in adiutorium etc.

Misterios gaudiosos

(Lunis et Jobia)

I In su primu Misteriu gaudiosu si cuntemplat s'Annunciazione de s'Angelu a Maria Santissima.

Pater - 10 Ave - Gloria - Laudadu etc.

II In su secundu Misteriu si cuntemplat sa visita de Maria SS. a S. Elisabetta.

Pater - 10 Ave - Gloria - Laudadu etc.

III In su terzu Misteriu si cuntemplat su Naschimentu de Gesus in sa capanna de Betlemme.

Pater - 10 Ave - Gloria - Laudadu etc.

IV In su quartu Misteriu si cuntemplat sa presentazione de Gesus Bambinu a su Tempiu.

Pater - 10 Ave - Gloria - Laudadu etc.

V In su quintu Misteriu si cuntemplat comente Gesus istesit incontradu in mesu a sos Dottores in su Tempiu.

Pater - 10 Ave - Gloria - Laudadu etc.

Deus ti salvet Maria, Virgine prima de su partu etc. - *Gloria.*

Deus ti salvet Maria, Virgine in su partu etc. - *Gloria.*

Deus ti salvet Maria, Virgine pustis de su partu etc. - *Gloria.*

Litanias de sa Virgine SS.

Kyrie, eleison.
 Christe, eleison.
 Kyrie, eleison.
 Christe, audi nos.
 Christe, exaudi nos.
 Pater de Coelis Deus, miserere nobis.
 Fili Redemptor mundi Deus, miserere nobis.
 Spiritus Sancte Deus, miserere nobis.
 Sancta Trinitas unus Deus, miserere nobis.
 Sancta Maria, ora pro nobis
 Sancta Dei Genitrix, ora
 Sancta Virgo Virginum, ora
 Mater Christi, ora
 Mater divinae gratiae, ora
 Mater purissima, ora
 Mater castissima, ora
 Mater inviolata, ora
 Mater intemerata, ora
 Mater amabilis, ora
 Mater admirabilis, ora
 Mater Boni Consilii, ora
 Mater Creatoris, ora

Mater Salvatoris,	ora
Virgo prudentissima,	ora
Virgo veneranda,	ora
Virgo praedicanda,	ora
Virgo potens,	ora
Virgo clemens,	ora
Virgo fidelis,	ora
Speculum justitiae,	ora
Sedes Sapientiae,	ora
Causa nostrae laetitiae,	ora
Vas spirituale,	ora
Vas honorabile,	ora
Vas insigne devotionis,	ora
Rosa mystica,	ora
Turris davidica,	ora
Turris eburnea,	ora
Domus aurea,	ora
Foederis arca,	ora
Janua coeli,	ora
Stella matutina,	ora
Salus infirmorum,	ora
Refugium peccatorum,	ora
Consolatrix afflictorum,	ora
Auxilium Christianorum,	ora
Regina Angelorum,	ora
Regina Patriarcharum,	ora
Regina Prophetarum,	ora
Regina Apostolorum,	ora
Regina Martyrum,	ora

Regina Confessorum,	ora
Regina Virginum,	ora
Regina Sanctorum omnium,	ora
Regina sine labe originali concepta	ora
Regina sacratissimi Rosarii,	ora
Regina Pacis	ora
Agnus Dei, qui tollis peccata mundi, parce nobis Domine.	
Agnus Dei, qui tollis peccata mundi, exaudi nos Domine.	
Agnus Deus qui tollis peccata mundi, miserere nobis.	

Salve Regina, Pater Misericordiae, vita, dulcedo, et spes nostra, salve. Ad te clamamus exules filii Hevae. Ad te suspiramus gementes et flentes in hac lacrymarum valle. Eja ergo, Advocata nostra, illos tuos misericordes oculos ad nos converte. Et Jesum, benedictum fructum ventris tui, nobis post hoc exilium ostende: o clemens, o pia, o dulcis Virgo Maria.

Ÿ. Ora pro nobis, sancta Dei Genitrix.

R. Ut digni efficiamur promissionibus Christi.

OREMUS.

Gratiam tuam, quaesumus Domine, mentibus nostris infunde, ut qui Angelo nuntiante,

Christi Filii tui Incarnationem cognovimus; per Passionem ejus et Crucem, ad Resurrectionis gloriam perducamur. Per eundem Christum Dominum nostrum. Amen.

Misterios dolorosos

(Martis et Chenapura)

I In su primu Misteriu dolorosu si cuntemplat s'Orazione de Gesus in s'Ortu.

II In su secundu Misteriu si cuntemplat sa Flagellazione de Gesus a sa Columna.

III In su terzu Misteriu si cuntemplat sa Coronazione de sas ispinas.

IV In su quartu Misteriu si cuntemplat su viaggiu de Gesus a su Calvariu.

V In su quintu Misteriu si cuntemplat sa Crucifissione et Morte de Gesus.

Misterios gloriosos

(Mercuris, Sappadu et Dominica)

I In su primu Misteriu gloriosu si cuntemplat sa Risurrezione de Gesus Cristu.

II In su secundu Misteriu si cuntemplat s'Ascensione de Gesus Cristu a su Chelu.

III In su terzu Misteriu si cuntemplat sa bennida de s'Ispiritu Santu supra sos Apostolos et Maria SS.

IV In su quartu Misteriu si cuntemplat s'Assunzione de Maria Virgine a su Chelu.

V In su quintu Misteriu si cuntemplat s'incoronazione de Maria Virgine in su Chelu et sa gloria de totus sos Angelos et Santos.

Con permissione dell'Autorità ecclesiastica